



UNIVERSITÄTS-
BIBLIOTHEK
PADERBORN

Universitätsbibliothek Paderborn

Codex traditionvm Corbeiensivm

Falcke, Johann Friedrich

Lipsiae ; Gvelpherbyti, 1752

§. 419 - 423. De bonis traditis in villis Amaleveshus, Haverga, Erpeshus, Thieddeggheshus et Werethun intra pagos Suilbergi, Logne et Nithega, nec non de Comitibus Herimanno ac Luidolfo.

urn:nbn:de:hbz:466:1-36114

§. 417.
Tradidit oddo pro propinquo suo godfcalco in baldualdun (y) XXX.
iugera et I iurnalem in *aieshus* (z).

et guberna-
nante
Corbe-
iam
Luidolfo.

§. 418.
Tradidit thadhardus pro filio suo thiadmaro in *marungun* (a) in uico
qui dicitur *thiedressun* I familiam.

§. 419.
Tradidit bernhard pro filio suo uolcmaro in *amaleueshus* (b) I. mansum
et I iurnalem.

§. 420.
Tradidit uolcmarus pro fratre suo tiadmaro et matre eius quiddam ha-
buerunt in *hauerga*. (c)


(y) Villam *Baldualdun* fuisse in pago *Hessi Franconico*, docet nos abbas noster Sara-
cho, probabiliter indicans vicum *Battenfeld*, haud procul a *Battenberg* in *Hassia*
conspicuum.

De villa
Baldval-
dun in
pago
Hessi
Franc.

(z) *Aieshus* villa collocatur ab eodem Sarachone in pago *Loginacogowe*, quem ad flu-
uium *Lanam*, dictum nunc *die Lahn*, in *Hassia* existisse, iam supra vidimus.
Quamuis autem situm villæ *Aieshus* nondum accurate definire queamus, conclu-
simus tamen ex situ harum villarum in *Hassia* sitarum, *Oddonem* fuisse dominum
in terris *Hassiacis* præpotentem. Reputamus ergo eum pro *Ottone*, filio *Con-
radi IV*, ac pro nepote *Otonis I*, cæsaris, ex filia. Chronologia sane huic sen-
tentia non repugnat. Si enim *Luitgarda* *Otonis* cæsaris filia, teste *Lamberto*
Schafnabrugensi, nupsit *Conrado* ad annum 949, *Otto* noster in lucem suscipi
potuit anno 950. Habebat igitur *Otto* anno 973, quo hæc bona tradita esse
videntur, ætatis annum XXIII, Pater eius *Conradus* iam anno 955. IV. id. Aug.
in prælio occubuerat, uti iam supra §. 216. e Chronico nostro cœtaneo docui-
mus. Erat autem *Otto* abbatis nostri *Luidolfi*, cui hæc bona tradidit, cognatus.
Si enim, uti probabilissimum est, *Luidolfus* abbas fuit filius *Hogeri* aduocati *Cor-
beienfis* talis *Luidolfi* atque *Otonis* cognationis gradus existit.

De villa
Aieshus
in pago
Loginac-
gowe.

Luidolfus dux Saxonie vxor Oda.



Sed quis *Godfcalcus* erit, qui in traditione nostra appellatur propinquus *Od-
donis*? An *Oddonis* fororius? An frater coniugis *Oddonis*? An ille *Guntheri*
comitis et marchionis *Misnensis*, anno 982 mortui, frater fuit? Fortassis hoc
momentum vltimum est veritati consentaneum.

(a) *Marungun* poni pro pago, res ipsa docet. Docet id præterea Registrum Saracho-
nis, quod villam *Thiedressen* collocat in pago *Marungo*. Quam in regione hic
pagus collocandus sit, indicant villæ, quæ eidem pago tribuuntur. Hæc sunt pa-
gi *Marungen*, a solo lutofo dicti, villæ: 1) *Morunga*, testantibus diplomatibus
ad annos 1016, 1075. Ipsa videtur esse *Moringen*, oppidum in principatu *Göt-
tingensi*. 2) *Thiedressen*, quæ erit *Dentenissen*, villa desolata in eodem principatu,
olim iter dimidiæ horæ ab oppido *Moringen* sita, et 3) *Holtbusan*, quæ item vil-
la desolata, quondam dicta *Holtensen*, et in præfectura *Moringen* reperta est.
De *Thadbaro* eiusque filio *Thiadmaro* egimus supra §. 104. not. (1) conf. infra §. 439.

(b) *Amaleueshusa* erat in pago *Suilbergi* sita, abbate Sarachone teste in Registro. Desi-
gnatur vicus *Amelsen* in præfectura *Hundesrueck*, olim in comitatu *Dasseliensi*, veshus
hodie autem in *Hildesiensi* episcopatu. De *Bernhardo* conf. supra §. 104. not. (1). in pago
Suilbergi.

(c) Villa *Hauerga* in nostro Registro non reperitur. Nescimus ergo an sit vna eadem-
que cum *Hauerga*, quæ teste diplomate *Heinrici* regis ad annum 1011 erat in
comitatu *Haholdi* posita, an vero sit alia.

De villa
Amale-
ueshusa
in pago
Suilbergi.

De villa
Hauerga.

Ab anno
973 vsque
983 re-
gnante
Ottone II
et guber-
nante
Corbe-
iam
Luidolfo.

De villa
Erpesus
in pago
Logne.

De villa
Thied-
deghe-
sus in pa-
go Suil-
bergi.

De villa
Were-
thun
in pago
Nithega.

§. 421.

Tradidit herimannus comes I familiam in *erpesbus* (d).

§. 422.

Tradidit herimannus pro se et coniuge sua imman et matre sua alcfried quidquid habuit in *thieddegbesbus* (e).

§. 423.


Tradidit *luidolfus* comes quidquid habuit in *uuerethun* (f).

(d) *Erpesus* villam collocat abbas noster Saracho in pago Logne, qui erat in principatu Göttingensi. Sine dubio itaque intelligitur vicus *Erbson* in iudicio Adelpsen. De *Hermann* comite vide, quæso, supra §. 104. not. (l).

(e) *Thieddegbesus* villam fuisse in pago *Suilbergi*, docet abbas Saracho in Registro. Intelligimus ergo, designari vicum desolatam *Thidexen*, haud procul ab vrbe Einbeka situm in Principatu Grubenhagensi. Cum vero in eadem villa Widikindei bona hereditaria tenuerint et tradiderint, *Herimannum* ad Widikindeos posteros retulimus supra §. 104. not. (u)

(f) Villam *Werethun* retulit abbas noster Saracho ad pagum *Nithega*. Ex quo patet, vicum indicari *Werden*, ad Wiseram in Corbeiensi abbacia situm. Eadem ergo villa est, in qua olim, testante §. 149, *Hadwi* ducis *Ecberti* filia, ac ducis *Luidolfi* soror, bona quædam tradiderat. Atque ex eo conclusimus, ex eodem germine, quo *Hadwi* prædicta fuit nata, ortum quoque fuisse *Luidolfum* comitem, qui in eadem villa largitus est ecclesie nostræ, quidquid habuit. Cum itaque e diplomatibus cæsareis, supra §. 139. et §. 324. adductis, pateat, comitem quandam *Luidolfum* in pago Nitherfi vel Nithega anno 965 et 980 fuisse aduocatum Corbeiensem, ea in sententia obfirmati sumus, eundem *Luidolfum* aduocatum hæc, in villa *Werethun* sita, bona Corbeiensibus tradidisse. Grandem natu fuisse illum, cum hæc largitus esset, probabilissimum est. Apparet enim ex §. sequenti 425, Aficonem ac Thiadricum, Comites, bona sua tradidisse anno 984, et quidem eo tempore, quo abbas *Luidolfus* non amplius in viuis erat. Quo ipso denuo doceatur, comitem *Luidolfum* anno circiter 982 munera sua contulisse ecclesie Corbeiensi. Facile ideo credimus, comitem *Luidolfum* adhuc tempore abbatis *Luidolfi* muneribus suis ornasse abbatiam nostram, cum comes *Luidolfus*, et *Luidolfus* abbas consanguinei fuerint, vt e sequenti genealogico schemate apparet:

Luidolfus dux Saxonie.



Diu autem post hæc vixisse nec abbatem nec comitem cognomines, probabilissimum est. Abbas, sanctitate apud suos clarus, mortuus fuit anno 983, Id. Augusti, id quod e chronico nostro Corbeiensi sæpissime excitato didicimus. Errat ergo Antonius Schnackenburgius in *Annal. Corb.* T. II. Leibn. p. 302, dum mortem abbatis nostri Luidolfi ad annum 990 retulit. Antonio calculum nostrum hic addere non licet. Ipse Antonius l. c. affirmat, papam Iohannem confirmasse anno 989. omnia priuilegia Corbeiensium. Si Antonius igitur has bullatas litteras perlegere voluisset, facile is suum errorem potuisset cognoscere. In eisdem enim bullatis litteris iam mentio iniicitur *Thietmari*, abbatis monasterii, quod vocatur noua Corbeia. Porro idem Antonius e diplomate Ottonis III ad annum 987 dato, discere potuisset, dummodo id voluisset inspicere, se toto cælo errauisse. In eo enim diplomate, imperator meminit Thietmari, Corbeiensis ecclesie abbatis. Frustra itaque ab eodem Schnackenburgio commemoratur, *Luidolfum* anno 987 diuersa emisse et commutasse bona, prædia, mansos, pascua et *ligneta*, eundemque abbatem anno 988 in Sollingo construxisse oratorium, honori S. Bartholomæi apostoli dicatum, cuius in vigilia primus fundamenti iactus fit lapis. Eodem autem anno, quo *Luidolfus* abbas e vita emigravit, vitam cum morte commutauit *Otto II* imperator, Chronico nostro coætaneo et MSpro teste. Cum ergo parti duodecimæ colophonem imponere libet, sectione sequenti ostendemus, bona, abbate *Thietmaro* suis præfidente ab anno 983 vsque ad 1001, tradita esse Corbeiensibus, regnante Cæsare Ottone III.

TRA-